

KUTETEZA NKHUKU KU MATENDA A CHITOPA

- Katemera
 - Zipatseni nkhuku katemera wa lasota kamodzi pa miyezi itatu iliyonse
 - Sungunulani mankhwalawa ndi kuika m'madzi akumwa ankhuku motere
 - Musazimwetse nkhuku madzi tsiku lonse kuti zikhale ndi ludzu ndi kumwa madzi a mankhwala amene muzipatse. Tayani ndipo tsukani momwera pakatha maola awiri. Perekani madzi monga mwa masiku onse.
 - Kapena zipatseni katemera wa 12 kamodzi pa miyezi inayi iliyonse Podonthezera m'maso.
 - Chitopa chilibe mankhwala, choncho, musazipatse nkhuku zanu katemera pamene zayamba kale kudwala kupewa kungoononga ndalama.

KASAMALIDWE

- Sungani nkhuku zimene zikuonetsa zizindikiro za matendawa m'malo osiyana ndi zimene sizikudwala.
- Pewani kutsegulira nkhuku zanu kuti zizikafuna chakudya ku malo a kutali kuti zisakumane ndi nkhuku za chitopa
- Onetsetani kuti mu khola momwe muli nkhuku zodwala kapenanso za thanzi simukulowa anthu chisawawa

MAWU OTSIRIZA

Matenda a chitopa cha nkhuku ndi oopsa. Onetsetsani kuti mukuzipatsa nkhuku zanu katemera pafupipafupi ndi kuzisamalira kuti muziteteze ku matenda a chitopa.



KUTETEZA NKHUKU KU MATENDA A CHITOPA



Designed and Printed by
Agricultural Communication Branch
P.O. Box 594
Lilongwe
© 2019

Nkhuku zimagwidwa ndi matenda osiyanasiyana koma kawirikawiri, zimagwidwa ndi nthenda ya chitopa. Nthendayi imagwira nkuku zing'onozing'ono ngakhalenso zikuluzikulu. Chitopa ndi matenda oopsya kwambiri chifukwa amatha kupha nkuku zonse ngati sizitetedwa.

Matenda a chitopa amafala kwambiri pamene kwachita ng'amba chifukwa pa nthawi iyi, madzi amasowa ndipo nkuku zimalimbirana madzi ochepa amene alipo. Ngati m'madziwa mwagwera zitosi kapena malovu a nkuku zimene zikudwala chitopa, matendawa amafalikira. Chifukwa china ndi chakuti, kukachita n'gamba, anthu amagulitsa nkuku kwambiri kuchoka ku dera lina kupita ku dera lina kuti apeze ndalama yogulira chakudya, zomwe zimaonjezera kufala kwa matendawa.

KODI MATENDA A CHITOPA AMAFALA BWANJI?

- Chitopa cha nkuku chimayamba ndi kachiroboko ka vailasi choncho alibe mankhwala.
- Kachiroboko kameneka kamafala kudzera mu mpweya pamene nkuku zimene zikudwala matendawa zikukhosomola kapena kuyetsemula.
- Kachiroboko kamatsaliranso m'makola amene munakhalako nkuku zimene zimadwala matendawa ndipo nkuku za thanzi zimene zasungidwa mkhola loteleri zimathanso kudwala matendawa.

MATENDA A CHITOPA CHA NKUKU AMAFALANSO KUDZERA MU NJIRA IZI:

- Kumwetsera kapena kudyetsera nkuku madzi kapena chakudya zimene mwagwera zitosi kapena malovu a nkuku zimene zikudwala kale matendawa.
- K a c h i l o m b o k o y a m b i t s a chitopa kamatha kutsakamila ku zovala za anthu amene alowa mu khola lomwe muli nkuku zomwe zikudwala. Anthuwa amafalitsa matendawa m'makola ena
- Kugwiritsa ntchito ziwiya zimene mumadyetsera nkuku zodwala chitopa
- Nkhuku yodwala chitopa imaswanso ana a chitopa

ZIZINDIKIRO ZONETSZA KUTI NKUKU YAGWIDWA NDI MATENDA A CHITOPA

- Kutsekula m'mimba zitosi zooneka mobilwira
- Nkhuku zimachucha timadzi kuchokera mphuno ndi mkamwa
- Maso amatupa ndi kutuluka misozi
- Nkhuku zimalephera kudya ndipo zimaonda
- Nthenga zimayimilira / zimakhala nyankhalala
- Nkhuku zimayetsemula, kukhosomola komanso zimavutika popuma
- Nkhuku za mazira zimayamba kuikira mazira ochepa kapena osaikiranso kumene
- Nkhuku zimatha kufa miyendo ndi mapiko
- Nkhuku zimapotokola khosi

- Nkhuku zambiri zimafa kwa kanthawi kochepe
- Dziwani kuti zizindikiro za matenda a chitopa zimafananirako ndi zizindikiro za matenda ena amene amagwira nkuku kawirikawiri monga awa:
- Matenda a m'mapapo amene amachititsa kuti nkuku izilephera kupuma, izikhosomola, komanso isamaikire mazira ochuluka.
- Matenda otsegula m'mimba
- Matenda oyambitsa kupuwala
- Matenda a njoka za m'mimba amene amachititsa kuti nthenga za nkuku zizisosoka, nthenga ziziyimilira komanso kuti nkuku ziziikira mazira ochepa.
- Matenda a chimfine cha mbalame amene amatupitsa likombo la nkuku, likombo limasintha mtundu komanso amapha nkuku zambiri nthawi imodzi

